

江蘇府縣志輯

中國地方志集成

常熟縣志

中國地方志集成

江蘇府縣志輯 (21)

康熙常熟縣志

江蘇古籍出版社 ● 上海書店 ● 巴蜀書社

重修常熟縣志序

粵昔周官職方氏掌天下之圖以掌天下之地辨其邦國都鄙之人與其財用穀畜之數要周知其利害而志之意

楊序

於是乎始迨班固作漢書著地里溝洫等志而志之名於是乎立此皆王官之事侯國郡邑未聞有志也然國者郡之積郡者邑之積苟非侯國

郡邑各各有志則職方漢史亦何自周知也哉今

天子御宇之二十有二年海內乂

安武功耆定慨然思成文治而大一統爰詔郡邑修輯志

楊序

二

乘蓋將登諸

天府用昭一王之鉅典猶周官漢史之意也琴川爲吳會巖邑巫咸虞仲之故墟季札子游氏所遊處是尤不可以

獨後乃自南宋慶元以來或
有志而弗詳或詳焉而弗覈
雖婁經訂證而斷簡殘編遂
同魯靈光殿幾無以荅

明詔誠可慨焉於是前令冕侯高

楊序

三

君崇請邑獻湘靈錢君董其
事佐之以王嚴諸子皆博物
君子具良史才而讐校之際
其難其慎期於徵信而不期
於速成故泚筆於癸亥之五

月至丁卯三月而始告竣網
羅見聞綜核名實琴川一志
於是乎有成書藻雖承乏已
再更冬然此役一出於前人
之經營涉惟樂觀厥成寧敢

楊序

四

攘善以爲己力也哉抑藻竊
有感者琴川幅幘劣五百里
戶七萬丁十萬田畝一百六
十萬耳乃歲輸銀米幾四十
萬雖履畝畝鍾之田尚不可

支況版荒者十一一易再易
者十二三民力重困遂凋敝
三百餘年不振今

天子仁聖恩澤下流倘閱志而惻
然動念減其浮溢使之任土

楊序

五

作貢則此志將彙成一代之
治書直與禹貢比隆又不特
周官之什一漢志之省漕而
已藻旦暮埃之敢應錢君之
請而僭爲之序

康熙丁卯暮春

賜同進士出身常熟縣知縣永平

楊振藻序

楊序

重修常熟縣志序

皇帝御世二十有二年文命敷於四海
包兵革而不用於是考圖數貢爰
命儒臣修一統志以資

御覽欲周知天下之地宜物生風俗人
才政事廢興之自於是部下督撫

錢序

一

臣檄郡縣各爲其志上之省省又
合所屬之志爲志而上之

朝常熟雖下邑其曷敢後其年 灤

州高侯在職開局纂修

今方伯劉公以糧憲駐臨委 防
海劉公時時入局監其事而陸燦

與共事嚴子熊王子家震王子孫

蘭馮子行賢王子孫芸實載筆以
從郡檄旁午鈔寫促迫草本上而
書未竟也故亦未及有序以識歲
月會高侯去而剗刪之事幾頓二
十五年

錢序

二

北平楊侯起家進士補令吾邑甫
下車首問諸文學掌故志有成書
乎具告歲之不易民力之不協嘆
曰此國典也其敢後乎毅然捐廉
奉不足借助爵鍰卒業仍命陸燦
領其事於是又退而與共事諸君

重繙其已刻者十之五而未刻者
半矢心齋筆追亡補闕鼓賸剔盲
凡皆述而不作曩志述其所已有
不敢漏今志述其所必有不敢私
國有史郡有版家有牒人有集記
事提要綱舉目張又竊謂史有史

錢序

三

體志有志體李于鱗修青州志餽
餉而不貫申識者譏之吳原博修
姑蘇志杜撰而鮮考覈楊君謙見
其題姑蘇二字卽擲還之爲不知
體也余輩不敢不反其殷鑒繩以
令甲卽如人物一條徐主一工侍

趙文毅諸傳其文稍長止載入官
經國居鄉行已事實語言文字概
在舍旃卽條議繕疏之文有關國
計亦別載然俱仍舊志新編入者
如顧仲恭先師初据先學士牧齋
傳讀書資爲種子間塾知其姓字

錢序

四

單行自足千古入志不爲緊嚴則
又芟薙冗長鑿括大義不辭專輒
之罪更定徑省之文凡推例具是
易曰正辭記曰不辭費書曰辭尚
體要蓋其慎也邑志自萬曆乙巳
藍陽耿侯爲令時邑人管一德修

之然亦止述文獻餘多闕如自時
厥後志之不修蓋八十餘年矣今
幸得逢我

侯來克蕺厥事刻既竣

侯命陸燦等例當有序識歲月竊
惟書以志名始於班固之地里志

錢序

五

顏師古註曰志記也積記其事也
在心爲志在書亦爲志心有時而
或忘故古人書笏而拜思書無時
而不傳故王制輶軒而問俗副在
有司有冊有典如關石和鈞王府
則有如司關執禁太史簡記司會

質成冢宰齋戒而受之者然也有
其舉之莫敢廢焉厥功茂哉適觀
成業幸蠅附驥矣其年

撫院趙憲公祖檄所屬郡縣開講
性命之學則又辱我侯允師儒文
學之推命陸燦領其席聞之故老

錢序

六

講學亦自耿侯爲令時聘本郡管
東溟梁溪顧涇陽高景逸諸公主
絃歌書院之席自時厥後學之不
講亦八十餘年矣我侯力爲舉行
以副
憲臺撫治至意惜陸燦雖東林後

學實非其人然兩事一時恭逢盛
際皆我侯政教之大而敝邑之故
也例得附書俾後人并得以考其
歲月志凡分類輯二十六卷刻始
於癸亥歲之五月而成於丁卯春

王正月

錢序

七

康熙丁卯邑人錢陸燦謹序

常熟縣志

凡例

一舊志自宋令鮑公廉撰於寶祐間分類爲十成十
五卷元盧知州鎮修之卽今琴川志是也其所紀
載止於宋代而有元百年間人物掌故盧復編有
續志明初張修撰洪更輯新志八卷惜皆不傳自
後桑通府瑜任著述於弘治之世鄧孝廉報管孝
廉一德遞載筆於嘉萬之間文獻賴以取徵茲者
仰遵

功令條分類晰因桑志者什五因鄧管二志者什三而

常熟縣志

凡例

一

叅攷異同討論損益則襲刑部立本姚文學宗儀
兩家私志兼有資焉循名考實踵事增華一規於
皇朝之憲章凡得二十有六卷

一虞山爲一邑鎮舊志別之爲峰爲嶺爲巖爲岡爲
洞紛如也今倣諸郡邑志例以一山貫之而南北
向背路逕盡然覽之者如循岡躡磴歷歷在目其
別爲一山者則次第載列而山之形勝冠於他邑
一虞本澤國故水利先焉宜震澤之尾間通江海之
潮沙凡諸港浦所以備旱潦蓄洩也今志分別幹
河如白泖許浦諸流以時疏塞者載之特詳而鄉

鎮間支河別港則分縣境之四隅而條貫羅列庶
切民瘼者晰利害分緩急指掌瞭然

一學校祠祀舊志載例不一今首文廟以尊

先師次書院以端文化先賢名臣之歿而祭祀者又大
及之若壇廟寺觀各爲一類不混入聖賢祀典中
所以先民人而後社稷崇儒教而別二氏也凡舊
志所書及創興近代者非屬淫祠不敢削焉

一經界賦役因時定制科則之盈縮徭役之重輕爲
政者所務詳也歷代因革載在舊冊可稽茲僅撮
其大綱不再蕪冗惟萬曆年間則例以

常熟縣志

凡例

二

本朝經賦所因詳列於前而今制賦役欵項悉照全書
編敘具遵成憲若清丈而遞增遞減遇災而請緩
請蠲亦得備攷

一舊志職官統紀姓名系傳以載事蹟而褒譏詳簡
殊焉今攷循績茂著者襲舊志立傳餘止編列年
表見直道斯民論久益定

一選舉自進士鄉舉至貢辟武科凡五途各依科分
後先合爲一表惟監仕掾仕未詳年次仍依舊志
另列而封蔭亦各分一類以重國恩

一古蹟雖湮猶存其名先賢芳躅餘風可邇載第宅

以攷廢興書冢墓以禁侵毀其有陵寢丘墟及詭
舛於傳聞之異辭者並以古墓存疑例之

一人物一類最宜謹嚴今以出處並著才品足傳者
首列爲邑人繫一邑之人望也忠孝植綱常之重
儒修端風教之原務崇其實當不因顯晦爲詳略
焉若乃政事文章與夫潛光獨行鄉推齒德以及
藝術方技之流史家之所並錄今則以次類書惟
列女專重節烈他不艷稱亦無非無儀之意也至
於寓公仙釋僅循舊志載其尤著者不敢誇詡神
奇矣

常熟縣志

凡例

三

一舊志藝文每多闕佚今考名家著述頗繁攸照蘇
松郡志用史例載列篇目而詩文之分系於各條
隨在附見亦既粲然可觀惟是名臣忠諫之疏茂
宰去思之碑文長難以悉入本傳或鴻篇佳什有
闕故實有裨風雅者今并摘採一二悉遵奉頒通
志之式編列集詩集文二卷雖佳製如林未免掛
漏而寧嚴勿濫也其他邑中逸事書之足以助觀
感垂鑒戒故以雜記終焉

總裁

江南江蘇等處承宣布政使司布政使劉鼎

監修

江南蘇州府海防同知劉三傑

創修

文林郎知常熟縣事高士鶴

纂修

文林郎知常熟縣事楊振藻

編輯

邑

人錢陸燦

常熟縣志

修志姓氏

一

同輯

邑

士嚴熊

王家震

王孫蘭

馮行賢

王孫芸

叅訂

常熟縣儒學教諭程孟

訓導張銓

邑

人王澧

錢祖壽

王履昌

曾肇甲

馬廷桂

趙延先

陸廷福

翁叔元

歸允肅

王登朝

錢上安

常熟縣志

修志姓氏

二

朱允治

王溪

蘇翔鳳

孫賜

陳煌圖

陳溯潢

翁與之

趙廷珪

陸士炳

瞿昌文

趙再恩

錢璣

嚴龍翔

陸輅

錢蜚熊

蔣陳錫

周藻

曾祖愛

翁大中

趙世鐸

三

張高位

戴劉淙

陶元淳

瞿季春

趙廷琮

錢天定

督工

常熟縣縣

丞魏天質

傅作霖

金守信

主 梅周士龍
典 史師允中

常熟縣志

修志姓氏

常熟縣志

修志姓氏

四

常熟縣志目錄

卷首

圖

縣境圖二
費官圖二
南倉原圖一
虞山北境圖二

縣治圖二
東倉原圖一
虞山南境圖二
九鄉圖二

卷之一

建置沿革

疆域

形勝附

分野

祥異附

卷之二

山

水

卷之三

常熟縣志

目錄

一

城池

官署

倉庫附

卷之四

學校

書院附

祠祀

卷之五

鄉鄰

市鎮

坊巷

橋梁

卷之六

水利

戶口

卷之七

田賦上

卷之八

田賦下

卷之九

徭役

稅課

風俗

方言附

物產

卷之十

官師年表

縣令
尉

丞
教職

簿

卷之十一

選舉年表

進士
薦辟

舉人
武科

貢生

卷之十二

常熟縣志

目錄

二

封贈

恩蔭

監仕

掾仕

兵防

平寇附

卷之十三

壇廟

寺觀

卷之十四

古蹟

名勝附

第宅

園林附

陵墓

卷之十五

官蹟

卷之十六

人物 邑人

卷之十七

人物 邑人

卷之十八

人物 邑人

卷之十九

人物 邑人

循吏

孝友

卷之二十

人物 儒林

文苑

武略

常熟縣志

目錄

三

卷之二十一

人物 隱逸
藝學

篤行
方技

耆碩

卷之二十二

人物 列女

流寓

仙釋

卷之二十三

藝文

卷之二十四

集詩

卷之二十五

集文

卷之二十六

雜記

卷末

舊序

常熟縣志目錄終

常熟縣志

目錄

四

常熟縣志卷之一

建置沿革

自五服而九州自九州而十有二州此字內大沿革之始也常熟自江東黃武始析之而爲鄉典午太康乃置之而爲縣回泝言氏以文學起其里蓋天造草昧時歟自是已後不常厥邑善乎鄭夾深之言曰州縣之設有時而更山川之形千古不易也指虞山而作鎮汲尚湖以爲泉誦楚丘而思靈雨旣零之其勤讀盤庚而念往建乃家之攸利敬哉有土爲萬世安作建置沿革志

常熟縣志

卷之一 建置沿革

一

常熟吳之北境也唐虞地屬揚州介於蠻荆商曰句吳史記師古註吳言句者羹之聲猶言於越之類周太伯與弟仲雍居吳武王封仲雍五世孫周章國號吳而常熟爲吳地其後越取吳楚又伐越取之秦滅楚楚人項氏有吳地漢有天下吳常爲國爲郡而吳縣屬會稽郡孫氏據有江東領會稽析吳縣屬鄉置虞農都尉治之卽此地也晉太康元年平吳以屬揚州刺史四年以虞鄉置海虞縣於是乎始東晉初屬吳國內史割海虞北境分置剡胸利城三縣爲東海郡縣西北有地曰沙中咸康七年置南沙縣屬晉陵郡宋齊因之屬吳郡

梁天監六年分婁縣地置信義郡領海陽前京信義

海隅興國南沙六縣大同六年改南沙爲常熟仍隸

信義郡縣稱常熟於是乎始隋平陳開皇九年置蘇

州統縣五常熟屬焉廢信義郡以所領六縣地悉入

常熟治南沙城後又廢晉陵郡分常熟地置常州以

常熟隸蘇州移常州治於晉陵縣晉陵今無錫也隋

末屢陷於竊據唐武德七年移治海虞城爲縣今

縣治也九年罷都督府從州屬潤州貞觀初隸江南

道天寶至德後復蘇州常熟爲屬邑光啓乾寧間陷

於僭亂五代屬於錢氏宋政和中陞州爲平江府自

常熟縣志

卷之一 建置沿革

二

是爲望縣隸府元改府爲路路置總管縣隸總管府元貞二年望縣例陞州縣陞常熟州隸平江路明洪武二年復州爲縣屬直隸弘治十年割雙鳳鄉入太倉州

國朝仍爲縣如故改直隸爲江南省常熟隸蘇州府

分野 詳異附

天之分星地之分野其合歟曰合也五聚井而沛王彗掃秦而苻厄熒守心而宋憂景見尾而燕盛也曰其果合歟曰有不合也唐一行以山河爲界然星參差而地錯互不合也鄒衍論九州之外又有九州今以十二州當中國之分野則謂十二國已盡天之三百六十五度歟不合也抑揚州之境在東而牛女爲北方宿尤不合也故曰聖人謹道而避器春秋所紀之災祥書于夫子者不合而無不合也洪範所紀之休咎書于劉董者宜合而未

常熟縣志

卷之一 分野

三

嘗合也虞屬蘇郡蘇皆斗六度常熟與長洲崑山俱入斗六度自二十九分起至六十分六十分度盡則入于太倉嘉定界豈地界之與曷刻分數不相悖歟抑人事之權輿然也災祥之論亦準是推之作分野志

周禮保章氏註斗牛女屬揚州又曰星紀吳越也

爾雅星紀斗牽牛吳分野

漢天文志斗江湖牽牛婺女揚州地里志吳地斗分

京房張衡云吳越會稽入牛一度吳古揚州之地在江

淮之間地連千里星紀牽牛乃吳之分野斗日月五

星之經始故曰星紀

蔡邕曰斗六度至須女二度謂之星紀

費直分星次斗十度至女五度爲星紀於辰在丑吳越

分野

唐一行星次分野謂南斗在雲漢之流殷淮海之間爲吳分牽牛在南河浸遠故其分野爲越分地里志以吳地爲斗分與前說合

符融曰歲鎮斗牛吳越之福春秋占相以歲所在爲福歲所衝爲災

明清類分野書吳分野斗牛在丑自斗三度至女一度

屬吳越分揚州今兩浙蘇皆吳分

常熟縣志

卷之一 分野

四

國朝時憲曆星紀宮西曆爲磨羯宮自箕四度十七分至牛一

度六分測斗六度蘇州府八邑細分常熟縣入斗六

度二十九分起至六十分測星晷北極出地三十一

度十二分南極入地亦同測斗六度同經各星爲扶

筐漸臺吳越天弁一二建星二三天淵一二孔雀七

詳異

晉

太寧三年三月白鳥見吳郡海虞獲以獻群官畢賀

太康七年十二月己亥毘陵雷電南沙司鹽都尉載亮

以聞

梁

大通中邑大水

天監元年頂山蔣姥異感孕生白龍

唐

貞觀十五年五月黑白二龍鬪於虞山之東北黑龍負

觸石破山走血漉澗中石爲赤

宋

元豐元年七月四日夜大風水高二丈

元

至正初長江一夕忽竭舟楫閣於塗江中多物人爭取

常熟縣志

卷之一 祥異

五

之潮忽至有淪死者如是累日乃平復

明

洪武丙辰秋月大水

宣德九年八月黑雉見

六年大疫地震冬十月虎入城

正統元年丙辰海風潮傷禾命官田准民田起科減額

有差

景泰五年正月大雪連旬積丈餘夏大水田廬漂沒秋

亢旱苗槁大疫民饑

六年冬十月虎入城突入民家獲之

天順五年七月風雨大作潮湧丈餘漂沒千餘人壯者

攀樹避溺群蛇潮湧觸樹亦緣木上升

成化八年麥秀兩岐蔣絨頌茂茂者麥在彼海濱瘠地

節甘雨時零一本兩岐同莖異穎如木理連如蓮蒂

並木則美矣何用之施逆則特矣何種伊何上天降

禎先百穀成可資可食蓮木斯輕其種伊何上天降

康其光伊何豐年穰穰不知帝力曷報侯德其始自

今思慕無敢林僊我聞張堪爲令詩用又聞岐州魏

岐漁陽民樂不可支清風千載歌謠詞中又聞岐州魏

刺史異政昭昭播遐邇來年五德同一莖頌聲洋洋

常熟縣志

卷之一 祥異

六

與張魏爭後先今將述職朝天去天官考最

十五年九月二十日地震有聲

壬寅民妻一產三男巡撫王恕以聞

十七年春夏大旱蝗食禾秋大水虎食人

弘治元年五月大風雨禾盡壞飛鳥殞十二月虞山鳴

四年正月至六月霪雨民不得稼二月縣治災

五年大水禾壞民多流徙大疫

六年大水有蟲大如蚊群飛蔽空得雨始滅

七年大水舟入市

十年麥秀兩岐陳播記泰和之世風不條鳴雨不塊破